

大方廣佛華嚴經論卷第二十五

勿五

唐方山長者李通玄造

○第五會兜率天宮說十迴向法門

頌下三品經

昇兜率天宮品第二十三

經在二十二卷

於此會中序分正說流通者從此初昇兜率

勿五

天宮是序分已下兩品是正說分兩品中至
下動地與供是流通分兜率天宮說十迴向
法門於此位中有三品經共成此位第一從
初昇兜率天宮品三義如前

○第一釋品名目者以昇天所至立名也兜

率天者此云樂知足天也

○第二釋品來意者明前十住十行二位以
彰出世已成如來智慧之業今於此天以明
隨見道者成如來大悲處世利生之業會融
世間出世間不一不二法門是故此品須來

凡大悲門初發心時以真智慧進修中悲有
勝劣不同十住十行智慧兼修仍出世心多
望此位大悲是理智位出世心終迴入生死
智慈之悲十地之中長養大悲更令深厚是
故善財十地表法中從初地已去有九箇女
天一箇瞿波是佛昔爲太子之時妻表悲十
地位已終法悅是妻義故問云何於此天處
說迴向法答曰如須彌頂上說十住明初生
佛家住佛智慧之頂而無退動夜摩天上說
十行法表行依法空一切無著至此兜率天
官表雖不離欲界處大悲門而於欲境常行
知足無所染著但爲饒益衆生處於世間又
此天處於欲界自須彌已上五天之處中以
會智悲令不偏故如四天王還依帝釋爲主
故是故而於此天說十迴向明和會真俗成

大慈悲長處生死而不廢涅槃名爲迴向從初發心住已來如是和會位終偏得其名故

名迴向此爲以處表法昇進亦即不曾身有上下去來智慧恒徧故無中邊故但明寄處表一生菩薩處此天中果行滿故以明發心

勿五

一

初始生如來智慧之家以佛智慧行大悲門即是圓滿如來果故果復常滿行復常行果行相嚴故號佛華嚴也十地十一地依此十住十行十迴向法三法成其功用更亦無別安立以是他化天中說十地時更不別作法事與供故但長養此位大智大慈大悲令深固圓滿故故名十地

○第三隨文解釋者於此義中復分爲二此會中都會五位衆總在其中如下諸王菩薩等總是△一長科經意△二隨文解釋

△第一長科經意者從初至經末約分爲十一段

○第一爾時佛神力故已下至悉皆同等於中有七紙半經明兜率天王遙見佛來與諸天衆敷座莊嚴分復科爲七段

④第一爾時已下至恒對於佛有三行經明智身恒圓滿分隨文釋義者此昇兜率天品中云十方一切世界皆常對於佛者明圓智徧周

⑤第二爾時世尊已下至妙寶莊嚴殿可兩行經明如來大智徧周應感所見彼此無來去分釋義云不離菩提樹而昇夜摩兜率天者爲菩提之智體本性無有依住徧徃十方無去來今性無可得無有住處無有遷變不動不寂無所造作而隨根應十方世界於一

切衆生前對現色身如應化度

④第三時兜率天王遙見佛來已下至無有能得究其妙好有七行經明天王殿上敷座分釋義云時兜率天王遙見佛來者明從前十行位向十迴向爲遙見佛來入殿敷寶座

者契會也如十住爲以方便三昧顯現如來智慧法流即座有安置十行之中爲以法身無相而爲行體座云化作寶蓮華藏爲表處行無染如蓮華故今此十迴向位中爲成大悲赴俗座云敷座敷者開發義爲表大悲赴俗開敷衆善之華至菩提之妙果故又敷者設義爲表大悲赴俗設法以利生故不自求出世法故座體摩尼者明以大慈悲常在生死而無染汙以表摩尼名離垢寶座云師子者依主義也爲如來是無畏之主故天諸妙

寶之所集成者明妙理智悲萬行報得故是故經云過去修行善根所得一切如來神力所現者明一切諸佛福智萬行不異自佛神力故但自心理智中與一切諸佛同福智故爲智同行同故云無量百千億那由他阿僧祇善根所生者明迴向中福智大悲行周故報也總云此座嚴飾是不可數無限善根所生一切如來淨法所起明以智起行無法不淨餘如文自具從此已下至第一段終有一百九十八行半經有一百八十四箇百萬億

初五

四

種諸莊嚴寶座及寶地虛空悉皆徧滿又有
一百八箇百萬億種諸菩薩并諸天八部王
衆入法及合掌思惟讚頌持幡等衆莊嚴寶
地及虛空周徧圓滿又有十箇百萬億善根
之所嚴潔

勿五

五

④第四有百萬億層級已下至克諧衆樂有一百一十一行半經有一百八十四箇百萬億色類莊嚴寶座及虛空分釋義云有百萬億層級周而圍遠者十住云百千十行云百萬十迴向云百萬億明昇位階級也百萬億金網者爲善施教網明淨故百萬億華帳者以萬行舍攝義故百萬億寶帳者觀一切衆生智可貴故可舍攝故百萬億鬘帳者大悲垂俗益衆生故百萬億香帳張施其上者明張施戒定慧解脫解脫知見香之業報華鬘

垂下香氣普熏者明忍嚴垂飾百萬億華蓋者萬行覆育舍識義也百萬億鬘蓋者慈蔭義也百萬億寶蓋者以法寶蔭俗義也諸天侍立者明能行行人也四面行列者總云四攝四無量也百萬億寶衣以敷其上者明以

大慈大悲之理智常處生死衣覆衆生無有休息之業報故百萬億樓閣綺煥莊嚴者明觀樓智閣差別觀智分明名綺煥莊嚴也百萬億摩尼網者明施教網滌諸惑垢故百萬億寶網者明教能護育衆生故百萬億寶纓絡網四面垂下者明以萬行爲瓔珞四攝攝衆生報名四面垂下飾故大要言凡隨智隨行隨慈隨悲隨波羅蜜隨觀照隨助道法隨大願所有報境因果相似今將此業果將法表之網表理智行教樓閣表觀智殿表正智利生宮表舍育無限座表普印法空悲智萬行帳表隨根舍攝衆生鈴表法音和悅華表道眼開敷亦表行華資果十百千萬億都該大數無限但隨法准而知之可見不煩更釋如梵云頻婆帳者此云身影也謂此帳光明

能現一切影像於中現故頻婆羅香明此香光潔能現一切影像故亦以赤色光淨如頻婆果阿樓那香其色如日赫奕光明拘蘇摩華此有總別義總云一切草木華也又有別者其華白色大小如錢似此白菊也樓閣延袤者言寶閣相連長遠也寶悉底迦此云佛胸前億德之相具云佞性阿悉底迦法者樂也阿悉底迦者此云有也明有此相者有大樂故以座上莊嚴有此相樂寶天牟陀羅天鼓中之別名也因於撫擊方能出聲

◎第五有百萬億初發心菩薩已下至百萬億菩薩善能教化一切衆生有七十六行經明菩薩入法諸天八部衆都有一百八箇百萬億大衆海莊嚴寶地及虛空中分已下四十衆菩薩明見座莊嚴觀法倍倍入法昇進

四五

六

以爲莊嚴之境四十衆者明十住十行十迴向十地位也明此天蘊修此四位法成普賢行自具故已下從百萬億天王已下至百萬億摩醯首羅天王有十六王總該已上欲界色界主且總明此十迴向法門偏於三界以

智隨悲偏於六道利生自在如王故都舉十六種王名明彰此位總偏攝人天六道以智如王教化衆生自在無礙故初總百萬億天王明天王最自在故然別舉龍王諦觀明知根雨法自在夜叉王頂上合掌守護自在乾闥婆王起淨信心者明以法樂悅樂衆生自在百萬億阿修羅王斷憍慢者明以大悲入生死海謙下同事自在百萬億迦樓羅王口銜繒帶者大悲垂俗引接自在義故百萬億緊那羅王歡喜踊躍者明能以法歌樂悅衆

生令歡喜自在故百萬億摩睺羅伽王歡喜瞻仰者明是腹行表恭敬義自在故百萬億世主稽首作禮者明四天王主導衆生軌則義故此是主人及神龍鬼等乃至地獄總攝在位百萬億忉利天王瞻仰不瞬者十住之勿五七

位修方便進求之定義百萬億夜摩天王歡喜讚歎者如世間樂以歌頌之法樂以讚歎之明此天以十行法樂故百萬億兜率天王布身作禮者明此天大慈悲心布身如地荷負無倦義故百萬億化樂天王頭頂禮敬者

明下心徹到大悲屈智至悲之極義也百萬億他化自在天王恭敬合掌者明會智悲生死涅槃無一異故百萬億梵天王一心觀察者明除細習義故百萬億摩醯首羅天王恭敬供養明智慧法身大悲圓滿可恭敬供養

故此已上十六天王龍王等明智悲圓滿三界六道自在如王義故皆百萬億者表大願智悲行具足也百萬億菩薩發聲讚歎者明已上十六王總攝菩薩行徧皆可讚歎故百萬億天女專心供養者明前十六王等行無染大慈悲徧三界故百萬億同願天踊躍歡喜此欲界中天徃昔同願亦明此位之中總同佛願行百萬億徃昔同住天於徃昔同住明此十迴向位菩薩皆同一切諸佛大悲願行住已下百萬億梵身天布身敬禮下至阿迦尼吒天恭敬頂禮明色界初禪已上行徧總有二十衆天總收色界諸衆初十六王等一時包含今次第別列無色界天定沉未堪現世發心化儀不及其境如此一段可十六行經自梵身天已下至阿迦尼吒天有二十

衆天阿迦尼吒天是色究竟天此天是色界
頂此已上二十衆天表此十迴向中大悲之
行天者淨也明以大悲大智常處生死教化
衆生如天自在而無垢染如梵身天布身敬
禮者有二義一恭敬如來二表法大悲謙下

勿五

八

如地百萬億梵輔天合掌於頂亦有二義一
敬佛二表法忻進百萬億梵衆天圍遶侍衛
亦有二義一敬順於佛二表順正念度衆生
故百萬億大梵天讚歎稱揚無量功德亦有
二義一敬歎於佛二表法歎衆生有佛功德
百萬億光天五體投地亦有二義一敬佛二
表法望此位以大悲爲地明以戒定慧解脫
解脫知見投於生死慈悲之地百萬億少光
天宣揚讚歎佛世難值亦有二義一敬世尊
難遇二表法歎衆生菩提難發百萬億無量

光天遙向佛禮亦有二義一敬佛二表法明
教化一切衆生使令信解故稱爲遙見百萬
億光音天讚如來甚難得見亦有二義一難
遇難見二表法歎自心難知正法百萬億淨
天與宮殿俱而來詣佛此亦有二義如前一
天願欲見佛投身而下二義如前一敬佛二

表法明垂慈救俗已下准義知之而以行行
之如百萬億種種天皆歡喜者此天衆是色
勿五
界欲界中雜類天故故云種種也是都稱表
衆行具足言種種行饒益衆生故百萬億諸
天各善思惟總言色界欲界天內天也都稱
百萬億菩薩天護持佛座莊嚴不絕此但兜

率天故亦是表法以法界爲座體萬行爲莊嚴此已上三衆通前有二十三衆從百萬億華手菩薩已下至百萬億灌頂天子舉身持座有十一衆菩薩四衆諸天子通爲十五衆初百萬億華手菩薩兩一切華有三義一處

空兩華供養佛二以空起行三明往世造華爲因百萬億香手菩薩兩一切香亦有三義一兩香供養佛二明五分法身香三明往之行以香供養百萬億鬚手菩薩亦有三義一兩鬚供佛二以忍爲鬚三明往因造鬚供

佛已下准義知之如百萬億諸天子從天宮出至於座所有二義一出宮供佛二明以智會悲百萬億諸天予以淨信心并宮殿俱亦有二義一并宮殿供佛二表悲智圓融百萬億生貴天子以身持座亦有二義一持座供

佛二表法此生貴住主第四波羅密以精進是持座義百萬億灌頂天舉身持座亦有二義一舉身持座供佛二表十住中灌頂智悲力用增强此四種天子者即是欲界兜率天中諸天子以經言畧計次第十住合足亦明子者慈名爲表修慈故彌勒號慈也已次百萬億思惟菩薩已下至善能教化一切衆生者此一段有十箇菩薩以淨三業或入住地莊嚴法會皆名義可解

②第六百萬億善根所生已下至百萬億讚歎法而以讚歎有五行經明十種善根莊嚴勿五+

宮殿及寶座分釋義云自百萬億善根所生已下至而以讚歎有十百萬億衆善行所嚴如經具明

③第七如此世界已下至悉皆同等有五行

經明都結十方同然分已上徒衆有一百八種百萬億衆已上莊嚴有一百八十四種百萬億莊嚴爲此段都數已上莊嚴及菩薩神天天女色類間雜或次或不次者意表此十迴向位是以智從悲成大悲海於人天六道中以無限偏周法界行門一時等化逐根與法或次或超或住或信或位階十地或人天善根無有一向次第安立以此莊嚴及菩薩神天表法間雜不依次第或菩薩衆有諸天或諸天衆中有龍神如是唯義思之可見

經意問曰十住但有諸天衆來迎世尊十行徒衆即有諸天及菩薩衆此會何故八部王衆大衆廣博莊嚴色類甚多十地中不敘致天王及衆來迎入殿莊嚴高座等事何意其位高昇不陳廣供答曰十住有天無菩薩來

迎如來所施供養者爲十住位且明其初生佛智慧家未有先見道者但列諸天未有菩薩爲初始從信位凡夫未得入聖位故以此初昇須彌頂品不列菩薩之衆但有諸天奉迎如來故明從此位方入聖流如昇夜摩天第五十一

宮品即有諸天及菩薩衆稱揚讚歎者即明十住位已有見道入位故十行位昇進中即有諸菩薩衆而迎佛會入十行法門以十住十行設行衆行出世心多處世大悲猶未自在故所以衆不圓滿故如此兜率天宮諸天菩薩及莊嚴色類多者明此迴向之門會融悲智出世與世間一體成就大悲普育舍識偏周利物不棄微生是故天王龍王八部諸王菩薩法王其衆無量莊嚴境界色相無邊表明悲位舍弘濟生無限利物廣大獲益無

窮是故此天莊嚴廣大如十地之位但約此十迴向大悲之際智育遐周之門長養大悲使令堅厚更無餘法別有進求設復智有奇途只是此位之中微細是故佛昇他化更分別有徒衆承迎座體進修不論別加層級可

知

○第二爾時毘率天王已下至音樂一時同奏一段經明光率天王爲佛敷座已與諸天衆以淨心興供養雲及諸菩薩奉迎如來分釋義云與十萬億阿僧祇毘率天子奉迎如

來有二義一請佛入宮殿二表法以解脫無依住之大智處一切生死饒益衆生即迎佛義又一釋如創入聖位以方便三昧而入真門如此十迴向以取十住十行中無垢正智入大悲方便爲迎佛入宮殿如三乘中地前

三十心爲方便十地見道如此經十信心爲方便資糧十住初心爲見道成佛十行十迴向十地十一地爲資糧資糧十住初正見心成令慣習自在故爲三乘教於三僧祇劫方成佛故設十地菩薩得三種意生身非是得佛智生身故以是十地向前三寶菩薩是資糧位十地見道爲加行位十一地等覺位中普賢行方終十二地是妙覺佛果此佛華嚴其義先佛而後行以先覺佛果方以悲願之行用資覺體使悲智齊均以此義故號佛華嚴也是故今此毘率天王以將大悲之方便用資十住十行之中大智佛果爲迎佛義故今此位教表法大體以將大悲之海用資十住十行之中佛智慧正覺故號之爲迎佛故夫法無始終一念齊等萬行悲智當體圓終

初五

十一

設教名言不可並立名詮敘致似有前後義
生體名者名無始末達教者境智不移此教
意明混今古之爲一際破情塵於當即也終
不可作延促解始終見總不出無時之理和
會一多差別之門也凡以前位向後位爲遙

勿五

十三

見正契爲佛來入宮以清淨心兩阿僧祇色
華雲有二義一供佛二表法明大悲萬行徧
周其雲具十種明法行圓滿皆從天身出者
明智身興萬行也大衆天子天女歡喜頂禮
者明以軌度法則利生令得樂故明菩薩大
悲令衆生得樂是菩薩樂故如世人母其子
樂者其母樂也兜率宮中不可說諸菩薩住
虛空中精勤一心供養出過諸天者明以法
空成行出勝世間有爲行也此一段有十三
種衆

○第三爾時如來威神力故已下至讚歎如
來無厭足一段經明諸天迎佛各各遙見佛
來如對目前敬佛興供分釋義者分爲五段
云遙見佛來明從前十行發起迴向大悲
大願故如對目前者明不離根本智常相
應故下文云見如來具一切智是也於法
無礙正等覺者明與佛智正覺合故如是思
惟已下四句是正入位故各以天衣盛供
已下十種供養明前由以身化供明起願也
此段明以衣盛供表身行周也△於此興供

一段六十五行經約作五門分別△一爾時
如來威神力故已下至同時奉迎如來有五
行半經明諸天以佛神力自善根力遙見佛
來自契佛智奉迎分△二各以天衣已下至
供養於佛有四行經明諸天以衣盛智華散

佛供養分此有十種供養衆△三百千億那由他已下至兩一切縵絡雲無有斷絕有十六行經明諸天各各以心所興供雲供養分此一段十種供養衆△四百千億那由他已下至天樂出妙音聲供養如來有十四行經明并陳所興十種持散供養佛分△五百千億那由他已下至無厭足有二十五行經明舊住兜率天宮中菩薩以諸波羅蜜行與其依果以爲供養此一段十七種供養云舊住者本位新來者加行入位此十七種供中先舉蓋爲先者爲此位迴入大悲菩薩行故以大悲爲首以諸波羅蜜一時助華是智慧開敷義帳是含容義衣爲忍義鈴網是說教義如幻心是堅固義爲無體可成壞故餘准例約名義知之此第三段有三十種百萬億

供養衆末後有先住天宮菩薩衆有十七種供從波羅蜜諸行生從法身智慧解脫知見生如文具明所以勝天之供爲非有爲所報得故是法界無作門所起超情作故

○第四爾時一切諸天及諸菩薩已下至阿

僧祇衆恭敬尊重有一百六行經此之一段經文明諸天菩薩見佛神變饒益衆生充滿十方徧周無限分於中文義如經具明

○第五爾時大衆咸見佛身已下至不可思議佛法門故此之一段明如來身光徧照無

限分於此分中有二十行經約分七段勿五十五一

爾時大衆咸見佛身已下至無邊法界兩行半經明見佛光明境界分④二以佛神力已下至出世善根之所成就可兩行經明如來神力出妙音聲讚頌分⑤三復現百千億那

由他已下至自在之所出生有兩行半經明
如來現自報相莊嚴分④四又現不可說已
下至甚深義可一行半經明現無盡諸佛出
興分⑤五又現不可說已下至平等清淨一
行半經明如來神力通變徧周分⑥六如是

已下至不思議勝德所生有一行半經明前
所現是如來勝智德所生分⑦七復現百千
億那由他已下至佛法門故有八行經明如
來現不思議妙寶焰現自善根集大眾分此
七段經中文義自具此段意明如來自現境

界令迴向者加行契入

大方廣佛華嚴經論卷第二十五

音釋

諧_雄皆切
和_也裹_虎佳_郎加_醯虛_宜闡_{他達}切
銜_繒_{上音}踊_威_{上音}躍_勇_{下音}藥_{下音}